



## **Scientia Sanctorum**

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

**Puente, Luis de la**

**Dilingæ, 1685**

47. De negotiatione margaritarum.

---

[urn:nbn:de:hbz:466:1-60561](https://nbn-resolving.org/urn:nbn:de:hbz:466:1-60561)

MEDITATIO XLVII.

De negotiatore margaritarum.

Matt. 13.

PUNCTUM PRIMUM.

Qvod studia negotiantium sint varia pro di-  
versitate rerum, quas quærunt : alij enim  
bona temporalia , alij scientias, alij politicas  
virtutes, tanquam margaritas, venantur. Chri-  
stianus autem quærere debet Christum, & quæ  
nos cum illo jungunt virtutes. *Hæc est genera- Ps. 23. 6.*  
*tiõ quærentium Dominum, quærentium faciem*  
*Dei Iacob.*

PUNCTUM II.

Qvomodo quærere oportet? incessanter pe-  
tendo à Deo : *Petite, & dabitur vobis. Mat. 7. 7*  
Deinde studiosè meditando circa illa , ubi in-  
venitur Christus. Denique insistendo illis me-  
dijs, quæ inspirantur à Deo, & alioqui sunt ido-  
nea.

PUNCTUM III.

Bonus negotiator, *inventa una pretiosa mar- Una &*  
*garita, vendit omnia quæ habet, & emit eam. pretiosa*  
*Vna & pretiosa dicitur : hæc est Christus De- gemma.*  
us homo, non plures, sed unus : vel etiam Christus  
*charitas, quæ est vinculum perfectionis, in quo Col. 3.*  
omnes vinciuntur virtutes : & quæ nos unum 14.  
facit cum Deo, & proximo, ut sit *cor unum, & Act. 4.*  
*anima una. Dicitur inter conchilia margarita. 32.*

*Cant.*

8. 7.

Examen

rum esse unum, quasi dux, quo capto, facile reliqua capiuntur, hæc est charitas: invenitur, cum planè penetratur illius excellentia, & cognita rapit ad se cor, ut parum judicet, pro illa dare omnia, juxta illud. *Si dederit homo omnem substantiam domus sue pro dilectione, quasi nihil despiciet eam.* Inspice, quam margaritam quæras, an hanc pretiosam, vel potius terrenam aliquam. Deinde, quàm serio quæras. Denique quid pro habenda dare velis, quanti eam æstimes?

## PUNCTUM IV.

Religiosa perfectio.

Margarita.

*Cant.*

4. 9.

**Q**UOD hæc margarita pretiosa sit etiam perfectio religiosa, ad Christi imitationem quæ una est, eminenter continens dilectionem duplicem, Iesu, & proximi, quasi lumen duplex oculorum, de quibus ad Sponsam dicit Dominus. *Vulnerasti cor meum, in uno oculorum tuorum.* *Vnum* dicit, cum sint duo: quia ut unus agunt, & quo unus vergit, etiam alter: tales sunt actiones Religiosorum ex Dei & proximi charitate. Magni fiunt duæ margaritæ similes & pro inauribus appendi solent ad ornamentum. Ita Religiosam vitam ornant dilectio Dei, & proximi. Si intelligerent homines pretium ejus, omnes vellent sua divendere, pro ea comparanda. O intelligam ego! ô studeam copulare in unum, & duobus, quasi uno oculo, videre Deum & proximum!

ME-